

SYARAT-SYARAT
PERTANDINGAN PIDATO YAYASAN SELANGOR KALI KE-12 TAHUN 2020

1. AM

- 1.1 Peraturan ini diterima pakai untuk Pertandingan Pidato Bahasa Melayu dan Bahasa Inggeri Yayasan Selangor Kali Ke-12 Tahun 2020.
- 1.2 Tafsiran peraturan ini ialah hak mutlak Pengurus Jawatankuasa Pertandingan. Keputusan Pengurus Jawatankuasa Pertandingan adalah muktamad.
- 1.3 Pengurus Jawatankuasa Pertandingan mempunyai hak untuk meminda sebarang peraturan sebelum permulaan pertandingan sebagaimana yang difikirkan sesuai oleh Jawatankuasa.

2. STRUKTUR PERTANDINGAN

- 2.1 Pertandingan Pidato akan dijalankan menerusi dua kategori iaitu:
 - a. Bahasa Melayu; dan
 - b. Bahasa Inggeris.

3. SISTEM PERTANDINGAN

- 3.1 Sebaik sahaja pendaftaran, pihak penganjuran akan memaklumkan proses cabutan undi untuk giliran setiap peserta.
- 3.2 Pertandingan akan dimulakan dengan sesi pusingan awal yang memperuntukkan setiap pemidato berucap selama 5 minit seorang.

- 3.3 Lima Belas (15) orang pemidato yang mempunyai markah tertinggi akan layak untuk bertanding di peringkat separuh akhir.
- 3.4 Lima orang pemidato yang mempunyai markah tertinggi akan layak untuk bertanding di peringkat akhir.
- 3.5 Pada peringkat akhir, setiap pemidato diperuntukkan selama 7 minit untuk ucapan pidato. Sejurus tamat pidato teks, pidato spontan akan dijalankan iaitu sesi soal jawab antara pemidato dengan panel hakim.
- 3.6 Semasa sesi pidato spontan, para hakim akan bertanya soalan dan mengulanginya sebanyak dua kali sahaja. 30 saat diperuntukkan sebagai waktu persediaan tanpa perlu menulis sebarang teks. Pemidato dikehendaki menjawab soalan hakim selama 2 minit.
- 3.7 Bagi pidato teks loceng akan dibunyikan sekali setelah pemidato memulakan pidatonya. Loceng akan dibunyikan sekali pada minit terakhir menandakan masa berpidato berbaki satu minit. Loceng akan dibunyikan dua kali sebagai tanda masa berpidato telah tamat.
- 3.8 Bagi pidato spontan pula, loceng akan dibunyikan sekali setelah hakim bertanyakan soalannya kepada pemidato. Loceng akan dibunyikan dua kali setelah 30 saat masa persediaan tamat. Loceng akan dibunyikan sekali setelah pemidato memulakan pidato spontannya. Pada minit terakhir loceng akan dibunyikan sekali sebagai tanda masa berpidato berbaki seminit. Loceng akan dibunyikan dua kali sebagai tanda masa berpidato telah tamat.

4. PEMARKAHAN

- 4.1 Markah penuh bagi pidato teks pusingan awal ialah 100 markah. Markah penuh bagi pusingan akhir (pidato teks dan pidato spontan) ialah 150 markah. Kaedah pemarkah berdasarkan kriteria berikut:
- a. Isi 40 Markah;
 - b. Bahasa 35 Markah;
 - c. Gaya 20 Markah;
 - d. Etika 5 Markah; dan
 - e. Pidato Spontan 50 Markah (pusingan akhir sahaja).
- 4.2 Isi dalam sesebuah pidato dinilai berdasarkan kesesuaian hujah/isu/isi yang disokong dengan contoh serta fakta yang padat, sahih, dan terkini.
- 4.3 Tiada jumlah isi ditetapkan untuk pidato teks dan ia bergantung kepada kesesuaian pemidato dalam menyampaikannya.
- 4.4 Penilaian bahasa mengambil kira penggunaan tatabahasa yang betul serta laras bahasa yang baik dan pelbagai.
- 4.5 Gaya pemidato hendaklah bersahaja dan spontan merangkumi nada suara yang sesuai, membujuk dan berkeyakinan.
- 4.6 Penilaian etika merangkumi adab pemidato dalam menyampaikan pidatonya. Bagi pemidato yang menggunakan teks ulangan (plagiarisme), markah akan dipotong dalam kriteria ini.
- 4.7 Pemarkahan pidato spontan mengambil kira secara keseluruhan pidato yang disampaikan. Tahap spontan, isi yang bernes serta mutu gaya yang baik diambil kira sebagai penilaian bagi pidato sesi ini.

5. RAYUAN

- 5.1 Semua bantahan hendaklah dikemukakan kepada Pengerusi Jawatankuasa Pertandingan secepat mungkin selepas sesi pidato.
- 5.2 Jika Pengerusi Jawatankuasa Pertandingan mendapati berlaku sebarang kesilapan atau kecacatan dalam pengendalian sesuatu pidato, usaha akan dibuat agar tidak ada mana- mana pihak yang terjejas.
- 5.3 Keputusan panel hakim adalah muktamad. Sebarang bantahan tidak akan dilayan melainkan ada kekhilafan dari panel hakim, keputusan tidak boleh diubah namun tindakan sewajarnya yang akan diambil pada individu hakim tersebut.